

**MINUTES OF THE MEETING IN CONNECTION WITH DISTRICT LEVEL
TASK FORCE ON COVID-19, KHAWZAWL DISTRICT**

Khawzawl, the 1st September, 2020

Venue : *DC's Conference Hall, Khawzawl*
Date & Time : *31st August, 2020*
Chairman : *Pu Zothanmawia, Deputy Commissioner,
Khawzawl*
Members present : *List appended*

Chairman in member-te lawmna thu sawiin, Mizoram-a Covid-19 positive case pun chhoh zel dan thlirin Khawzawl district pawh lo inrinlawk kan ngai hle a. Hrileng darh tur ven kawnga hmalak zel dan turte sawiho tura meeting koh a ni tih a sawi a. Ministry of Home Affairs, Government of India in lehkha No. 40-3/2020-DM-I(A) hmanga August 29, 2020 a Unlock 4.0 guidelines a tihchhuah chu ennawn a, sawiho a ni bawk.

Member-te'n zau tak leh thahnemngai taka an sawiho hnuaa a hnuaia mite hi an thurel chu a ni:-

1. Aarogya Setu app: Sawrkar hnathawk, Aarogya Setu app hman theihna phone neite chuan he app hi hman vek theih nise tiin sawi a ni a. Hemi chungchanga an office theuha ruahmanna lo siam turin Head of Office te beisei an ni.

(Action: All Head of Offices)

2. Dawr-a Register maintain chungchang: Covid-19 vei emaw, rinhlelh emaw kan lo awm palh hlauha rang zawk leh awlsam zawka contact tracing tih theih nana tangkai tak, infiamna hmun leh heng – gymnasia, spa, hair cutting salon/beauty parlour-a register maintain chu kalpui chhunzawm zel tha tih a ni a. Heng bakah hian Khawzawl District chhunga dawr hrang hrangah te pawh a dawrtute bio-data chhinchhiahna register hi neih nise tih a ni. Lo puangdarh a, lo enzui turin khua/veng hrang hrang Village Level Task Force te chu ruat leh beisei an ni.

(Action: VLTFs concerned)

3. Chhiatni thatni leh damlo menpui chungchang: Khawzawl chhunga veng hrang hrangten chhiatni thatni a inlenpui leh damlo menpui te rualkhai zawka kalpui a nih theih dan tur sawiho a ni a. VLTF ten kalphung

inang tlang an neih theih nan District Administration in a duang ang a, uar zawka puanzar leh kenkawh chu VLTF te kutah dah a ni.

(Action: DC, Khawzawl leh VLTFs)

4. Public transport chungchang: Khawzawl District chhunga public transport heng – taxi, sumo leh auto rickshaw – neitu leh khalhtuten Covid-19 darh zel tur venna kawnga mawhphurhna sang tak an nei. Heng motor khalhtute chuan mask an vuah reng tur a ni a, passenger te hman tur *hand sanitizer* an pair eng bawk tur a ni. Passenger an neihin motor a an luh hmain passenger te kut *hand sanitizer* hmangin an tifi thin ang. Tin, a zing thei ang berin lirthei chung, thutna leh vawnbaw te uluk takin an tithianglim thin tur a ni. Hemi chungchanga hriattirna (notice) chu DC office atangin tihchhuah a ni ang.

(Action: DC, Khawzawl)

5. Thermal Scanner: Khawzawl chhunga office hrang hrangten kut silna/*hand sanitizer* bakah Thermal Scanner hman nise tih a ni a. Hei hi office dawrtute zinga khawsik an lo awm palh a awlsam zawka hriatchhuah a nih zung zung theih nan a tangkai dawn hle a ni. Thermal Scanner lei dan tur hi Office hrang hranga a hotu ber kutah theuh dah a ni.

(Action: All Head of Offices)

6. Bungraw phur motor chungchang: Hmundang atanga bungraw phur motor lianrawn lutte chu curfew puan hnu zan dar 8:30 hnulama chauh an bungraw phurh unload theih nise tih sawiho a ni a. Heng motor-te hian district hrang hranga sem tur an phurkhawm thin avang leh, essential commodities phur te an nih thin avangin an zavaia zawm tlan theih tur ruahmanna siam a harsa a.

Chuvangin, Khawzawl chhunga dawr neitu/retailer te hnenah zan dar 8:30 hnulama bungrua unload a nih theih nan an bungraw phurtu motorrawn kal hun siamrem (adjust) tura ngen nise, harsatna neite chuan an awmna veng VLTF hnenah hrihhriat nise tih a ni.

(Action: DC, Khawzawl)

7. Hotel leh thingpui dawr chungchang: Khawzawl District chhunga hotel leh thingpui dawr te hi khualzin phur motor bakah, mi chi hrang hrangin luh leh chhuahna a ni a. A neitu/enkawltuten mask vuah bakah kut silfai an uar tur a ni a, luh dawnah dawrtute hman tur hand

sanitizer/kut silna chhawpin, a theih chin chinah social distancing an vawng bawk tur a ni.

Inkaihhruaina mumal zawk chu DC Khawzawl in siam tura ruat leh beisei a ni.

(Action: DC, Khawzawl)

Chairman in lawmthu sawiin meeting a titawp a ni

Sd/-ZOTHANMAWIA

Deputy Commissioner

Khawzawl District, Khawzawl

Memo No.J.12019/17/2020-DC(KZL)/VOL-V : Khawzawl, the 1st September, 2020

Copy to:

1. PS to Dy. Chief Minister, Mizoram for information.
2. All Members, District Level Task Force, Khawzawl District for information and necessary action.
3. All Head of Offices in Khawzawl for information and necessary information.
4. All Chairman, Village Level Task Force, Khawzawl District.
5. Guard file.



Deputy Commissioner 1.9.20

Khawzawl District, Khawzawl